

明

史

明史卷三百七十五

列傳二百二十六

左良玉

鄧人龍

黃得功

高

傑劉澤清

劉肇基

左良玉字崑山臨清人官遼東車右營都司崇禎元年寧遠兵變巡撫畢自肅自經死部將皆坐罪良玉亦削職回衛已復官總理馬世龍令從遊擊曹文詔援玉田豐潤大戰洪橋被獎賚已復轉戰大塹山直抵遵化而還諭恢復四城功與文詔等俱進秩隸昌平督治侍郎侯恂麾下大凌河圍急詔昌平軍赴援總兵尤世威護陵不得行薦良玉可代已恂令率兵

三千往薦爲副將戰香山杏山下錄功第一良玉少
孤育於叔父其貴也不知其母姓長身頰面驍勇善
左右射目不知書多智謀撫士卒得其歡心以故戰
輒有功時陝西賊入河南圍重慶廷議令良玉將昌
平兵往勦大指專辦河南會賊寇修武清化者竄入
平陽因檄良玉入山西禦之頗有斬獲河南巡撫樊
尚璟以良玉駐澤州扼豫晉咽喉可四面爲援兵詔
從之時曹文詔將陝西兵帝令良玉受尚璟節制與
文詔同心討賊有急則秦兵東豫兵西良玉兵從中
橫擊六年正月賊犯隰州臨陽城良玉敗之于涉縣

之西陂二月良王兵與賊戰于安大敗尚璟罷以太
常少卿元默代之三月賊再入河內良王自輝縣逐
之賊奔修武殺遊擊越効忠追叅將陶希謙希謙墜
馬死良王擊之萬善驛至柳善口大敗之擒賊首數
人賊遂西奔河南額兵僅七千數被賊折亡殆盡良
王將昌平兵二千餘數戰雖有功勢孤甚總兵鄧玘
方立功萊州乃命將川兵益以石砮土司馬鳳儀兵
馳赴良王與共角賊已而鳳儀以孤軍戰沒於侯家
庄當是時賊勢已大熾縱橫三晉畿輔河北間諸將
曹文詔李卑艾萬年湯九州玘良王等先後與賊戰

勝負略相當良玉玘辦河南屢破之於官村于沁河
于清化于萬善良玉又扼之武安八德斬獲尤多會
帝命倪寵王樸爲總兵將京營兵六千赴河南以中
官楊應朝盧九德監其軍而別遣中官監良玉等軍
職方郎中李繼貞曰良玉李卑身經百戰位反在寵
樸下恐聞而解體乃令良玉卑署都督僉事爲援勦
總兵官與寵樸體相敵京營兵至共擊賊數有功良
玉敗賊濟源河內又敗之永寧青山嶺銀洞溝又自
葉縣追至小武當山皆斬賊魁甚衆然諸將以中官
監軍意勿善也其冬賊西竄督復折而東良玉九州

扼其前京營兵尾其後賊大剽官軍連破之柳泉猛
虎村賊張妙手賀雙全等三十六家詭詞乞撫於分
巡布政使常道立因監軍應朝以請諸將俟朝命不
出戰會天寒河水合賊遂從澠池徑渡巡撫默率良
玉九州卑圯兵待之境上賊乃竄盧氏山中由此自
隕寨入川中折而掠秦隴復出沒川中湖北以犯河
南中原益大殘破而三晉畿輔獨不受賊禍者十年
賊既渡河去良玉與諸將分地守陳奇瑜盧象昇方
角賊秦楚七年春夏間中州幸無大事既而奇瑜失
李自成于車箱建議合晉豫楚蜀兵四面勦之賊乃

分軍三一向慶陽一趨隕陽而一出關趨河南趨河南者又分爲三郡邑所在告急良玉托新安渑池他將陳邦治駐汝州陳永福托南陽皆坐甲自保而已不能大創賊也賊每營數萬兵番進皆因糧宿飽我兵寡備多饋餉不繼賊介馬馳一日夜數百里我步兵多騎少行數十里輒疲之以故多畏賊而良玉在懷慶時與督撫議不合因是生心緩追養寇多收降者以自重督撫檄調不時應命稍稍露跋扈端矣十二月遇賊于磁山大戰數十追奔百餘里八年正月河南賊破潁州毀鳳陽皇陵其陷鹿邑柘城寧陵通

許者良玉在許州不能救四圍督師洪承疇在汝州
令諸將分地遮賊尤世威守淮南陳永福控盧氏永
寧鄧玘尤翟文張應昌許成名遏湖廣以吳村瓦屋
乃內鄉浙川要地令良玉與湯九州以五千人扼之
未幾鄧玘以兵譁死而曹文詔討陝賊敗沒於真寧
賊益張遂超盧氏奔永寧巡撫默被逮未出檄良玉
自內鄉與陳治邦馬良文等援盧氏八月敗賊於鄆
陵九月躡賊于邾之神垕山賊連營數十里畚休更
戰以疲我兵良玉收其軍而止賊再攻密良玉自邾
援之乃去十月良玉抵靈寶合遼東總兵祖寬兵剪

賊于澗口焦村朱陽關地也十一月李自成出
朱陽關張獻忠久踞靈寶關王高迎祥亦與合良玉
寬禦之靈寶不能走陝州陷賊東下攻雒陽良玉寬
從巡撫陳必謙救雒陽賊乃去迎祥自成走偃師鞏
獻忠走嵩汝良玉出雒追迎祥自成寬分擊獻忠救
汝會總理盧象昇至自湖廣與寬大敗賊汝西令裨
將破賊於宜陽黃澗口九年二月賊敗於登封郟城
鎮走石陽關與伊嵩之賊合故總兵九州由嵩縣深
入與良玉夾勦良玉中道遁歸九州乘勝窮追四十
里無援敗殺良玉反以捷聞五月象昇遣祖寬李重

鎮隨陝西總督洪承疇西行良玉軍最強又率中州人故獨久留之而以其驕抗難用用孔道興代其偏將趙柱駐靈寶防雒西良玉與羅岱駐宜永防雒東七月良玉兵抵開封由登封之唐莊深入擊賊自辰鏖至申賊不支西走陳永福方敗賊於唐河賊至田家營良玉渡河擊之斬獲頗衆九月巡撫楊繩武劾良玉避賊責令戴罪自贖十年正月賊老獬狃合曹操闖塌天諸部沿江東下安慶告警詔良玉從中州救之良玉道勦殺南陽土寇楊四侯馭民郭三海急抵六安與賊遇部將岱道興乘勝連戰大破賊賊走

霍潛山會馬嶺劉良佐亦屢破賊於桐城廬州六安
賊在滁和者亦西遁江北警少息應天巡撫張國維
三檄良玉入山勸不應放兵掠婦女屯舒城月餘河
南監軍太監力促之始北去賊已飽掠入山矣已浙
州陷良玉擁兵不救以六安破賊功詔落職戴罪尋
復之賊東下襲六合攻天長分掠瓜州儀真破盱眙
良玉堅不肯救令中州士大夫合疏留已帝知出良
玉意不能奪也十月總理熊文燦至安慶部檄以良
玉軍隸焉良玉輕文燦不爲用十一年正月良玉與
總兵陳洪範大破賊于鄖西張獻忠假官旗號襲南

陽屯於南關良玉適至疑而急召之獻忠逸去追及發兩矢中其肩復揮刀擊之面流血其部下救以免遂逃之救城未幾請降良玉知其偽力請擊之文燦不許九月文燦勦鄭襄諸賊良玉與洪範及副將龍在田擊破之雙溝營斬首二千餘級十二月河南巡撫常道立調良玉於陝州賊乘盧氏虛遁入內浙是月許州兵變良玉家在許殲焉十二年二月良玉率降將劉國能入援京師詔還討河南賊兵過壩頭吳擣大掠太監盧九德疏聞詔令戴罪已而破賊馬進忠於鎮平關進忠降又與國能再破賊李萬慶于張

家林七里河萬慶亦降七月獻忠叛去房縣良玉與
羅岱追之使岱爲前鋒已隨其後逾房縣八十里至
羅獵山軍乏食伏起岱馬掛於藤抽刀斷之蹶而復
進棄馬登山賊圍急矢盡被獲良玉大敗奔還軍符
印信盡失棄軍資十萬餘士卒死者萬人事聞以輕
進貶三秩十三年春督師楊嗣昌薦良玉雖敗有大
將才兵亦可用遂拜平賊將軍當是時賊分爲三西
則張獻忠踞楚蜀郊東則韋裡眼左金王等四營豕
突隨應麻黃南則曹操過天星等十營伏漳房興遠
間閩正月良玉合諸軍擊賊于枸坪閩獻忠敗走良

王乃請從漢陽西鄉入蜀追之嗣昌謀以陝西總督鄭崇儉率賀人龍李國安從西鄉入蜀而令良玉駐兵興平別遣偏將追勦良玉不從嗣昌檄良玉曰賊勢似不能入川仍當走死秦界耳將軍從漢陽西鄉入川萬一賊從舊路疾趨平利仍入竹房將何以禦不則走寧昌入歸巫與曹操合我以大將尾追促賊反楚非筭也良玉報曰蜀地肥衍賊渡險任其奔軼後難制且賊入川則有糧可因回鄖則無地可掠其不復窺楚境明矣夫兵合則強分則弱今已留劉國能李萬慶守鄖若再分三千人入蜀卽駐興平兵力

已薄賊來能遏之耶今當出其不意疾攻之一大創
自然瓦解縱折回房竹間人跡斷絕彼從何得食况
鄖兵扼之於前秦撫在紫興扼之於右勢必不得逞
若寧昌歸巫險且遠曹振獻忠兩不相下倘窮而歸
曹必內相吞其亡立見良玉已於二月朔涉蜀界之
漁溪渡矣嗣昌度力不能制而其計良是遂從之時
獻忠營太平縣大竹河良玉駐漁溪渡未幾總督崇
儉引其兵來會賊移軍九滾坪見瑪瑙山峻險將據
之我師始抵山下賊已踞山顛乘高鼓譟良玉下馬
周覽者久之曰吾知所以破賊矣分所進道爲三已

當其二秦兵當其一令曰聞鼓聲而上兩軍夾擊賊陣堅不可動鏖戰久之賊大潰墜崖澗者無算追奔四十里良王兵斬掃地王曹威白馬鄧天玉等渠魁十六人獻忠妻妾亦被擒遁入興山歸州之山中尋自鹽井竄興歸界上是役也良王功第一事聞加太子少保四月良王進屯興安平利諸山連營百里諸軍憚山險圍而不攻久之獻忠自興房走白羊山而西與羅汝才合七月良王乘勝擊過天星降之過天星者名惠登相既降遂始終爲良王部將初良王授平賊將軍印寢驕不肯受督師約束而賀人龍屢破

賊有功嗣昌私許以人龍代良玉及良玉奏瑪瑙山捷嗣昌語人龍須後命人龍大恨其以前語告良玉良玉亦內恨當獻忠之敗走也追且及遣其黨馬元利操重寶陷良玉曰獻忠在故公見重公所部多殺掠而閣部猜且專無獻忠即公戚不久矣良玉心動縱之去監軍萬元吉知良玉跋扈不可使勸嗣昌令前軍躡賊後軍繼之而身從間道出梓潼托歸以俟濟師嗣昌不用賊既入蜀之巴州人龍兵噪而西歸召良玉兵合擊九檄皆不至十四年正月諸軍追賊開縣之黃陵城叅將劉士杰深入所當拔靡獻忠登

高望見無秦人旗幟而良玉兵前部無關志獨士杰孤暉乃密選壯士潛行菁谷中乘高大呼馳下良玉兵先潰總兵猛如虎潰圍出嗣昌方悔不用元吉言而獻忠已席卷出川西絕新開驛置楚蜀消息中斷遂以計紹入襄陽城襄王被執嗣昌仰藥死賊瀕死復縱卒以亡國者以良玉素驕蹇不用命故也二月詔良玉削職戴罪平賊自贖五月獻忠陷南陽即攻泌陽破之良玉至南陽賊遁去良玉不戰士泌人脫于賊者遇官軍無噍類既而獻忠陷鄖西掠地至信陽屢勝而驕良玉乃從南陽進兵復大破之降其衆

數萬獻忠中股負重傷乘夜遁而是時李自成方殘
襄城圍良玉於偃城幾陷會陝西總督汪喬年出關
自成乃輟圍與喬年戰襄城外喬年軍盡覆良玉不
能救帝既斬賀人龍以肅軍政專倚良玉辦賊十五
年三月自成復圍開封乃釋故尚書初薦良王者侯
恂於獄起爲督師發帑金十五萬犒良玉營將士激
勸之良玉及虎大威揚德政會師朱仙鎮賊營西官
軍營北良玉見賊師盛一夕拔營遁羣帥望見皆潰
自成戒士卒待良玉兵遁從後擊之官軍幸追者緩
疾馳八十里賊已於其前穿塹深廣各二尋環繞百

里自成親帥師遮於後良玉衆大亂下馬渡溝僵仆
溪谷中趾其顛而遁賊從而蹂之軍大敗棄馬騾萬
匹器械無筭良玉走襄陽帝聞良玉敗詔恂拒河圖
賊而令良玉以兵來會良玉畏自成遷延不至九月
開封以河決而亡帝怒恂罷其官不能罪良玉也開
封既亡自成無所得遽引兵西謀拔襄陽爲根本時
良玉壁樊城大造戰艦驅襄陽一郡人以實軍諸降
賊附之有衆二十萬然親軍愛將大半死而降人不
奉約束良玉亦漸衰多病不復能與自成角矣自成
乘勝攻良玉良玉退兵南岸結水寨相持以萬人扼

淺洲賊兵十萬爭渡不能過良玉乃宵遁引其舟師
左步右騎而下至武昌從楚王乞二十萬人餉曰我
爲王保境王不應良玉縱兵大掠火光照江中宗室
士民奔竄山谷多爲土寇所害驛傳道王揚基奪門
出良玉兵掠其資并及其子女自十二月二十四日
抵武昌至十六年正月中始去居人登蛇山以望叫
呼更生曰左兵過矣良玉既東自成遂陷承天傍掠
諸州縣當是時降將叛卒率假左軍號恣剽掠蘄州
守將王允成爲亂首破建德劫池陽去蕪湖四十里
泊舟三山荻港潛艘鹽船盡奪以載兵聲言諸將寄

帝南京請以親信三千人與俱南京諸文武官及操
江都御史至陳師江上爲守禦士民一夕數徙商旅
不行都御史李邦華被召道湖口草檄告良玉以危
詞動之而令安慶巡撫發九江庫銀十五萬兩補六
月糧軍心乃定邦華入見帝論良玉潰兵之罪請歸
罪於王允成帝乃令良玉誅允成而獎其能足變良
玉卒留允成於軍中不誅也良玉留安慶久之徐潮
九江上聞獻忠破湖廣沉楚王於江坐視不救八月
乃入武昌立軍府招徠下流粗定分命副將吳學禮
援袁州江西巡撫郭都賢惡其淫掠檄歸之而自募

土人爲戍守會賊陷長沙吉州復陷袁州岳州良玉
遣馬進忠援袁州馬士秀援岳州士秀率水師敗賊
岳州城下二州遂並復時帝命兵部侍郎呂大器代
侯恂爲總督恂解任中道逮下獄良玉知其爲已故
心鞅鞅與大器齟齬賊連陷建昌諸府大器無兵不
能救良玉亦不援進忠與賊戰嘉魚再失利良玉軍
遂不振會獻忠從荆河入蜀良玉遣兵追之距荊州
七十里荆襄諸賊因自成入關盡懈良玉偵知乃遣
副將盧光祖上隨棗承德而惠登相自均房劉洪起
自南陽將賊後收其空虛地以自爲功十七年正月

詔封良王爲寧南伯畀其子夢庚平賊將軍卬俾功
成之日世守武昌命給事中左懋第便道督戰良王
乃條日月進兵狀以聞疏入未奉旨聞京師被陷諸
將洶洶以江南自立君請引兵東下良王慟哭誓不
許副將士秀奮曰有不奉公令復言東下者吾擊之
以巨艦置礮斷江衆乃定福王立晉良王爲侯廕一
子錦衣衛正千戶且並封黃得功高傑劉澤清劉良
佐爲四鎮俱廕子世襲而以上流之事專委良王尋
加太子太傅遣李自成敗於關門良王得以其間稍
復楚西境荊州德安承天時何騰蛟撫湖廣而袁繼

威爲總督居江西皆與良王善南都倚爲屏蔽良王
兵八十萬號百萬前五營爲親軍後五營爲降軍每
春秋肄兵武昌諸山一山幟一色山谷爲滿軍法用
兩人夾馬馳曰過對馬足動地殷如雷聲聞數十餘
里四鎮兵惟高傑最強不及良王遠甚然良王自朱
仙鎮之敗精銳畧盡其後歸者多烏合軍容雖壯法
令不復相懾良王家殲於許州其在武昌諸營優娼
歌舞達旦良王塊然獨處無姬侍嘗夜宴僚佐召營
妓十餘人行酒履舄交錯少焉左顧而歎以次引出
賓客肅然左右莫敢仰視其將百萬軍正已率屬爲

下所服皆此類也而是時良王老且病無中原意矣
良王之起由侯恂恂故東林也馬士英阮大鍼用事
慮東林倚良王爲難謾語修好而陰忌之築板磯城
爲西防良王嘆曰今西何所防殆防我耳會朝事日
非監軍御史黃澍挾良王勢面觸馬阮既逐遣緹騎
逮澍良王留澍不遣澍與諸將日以清畧側爲請良
王躊躇弗應無何有北來太子事用事者以爲僞而
中外皆以爲真澍召三十六營大將與之盟良王意
乃決傳檄討馬士英自漢口達蘄州列舟二百餘里
良王疾已劇至九江邀總督袁繼咸入舟中袖中出

密諭云自皇太子薨諸將盟繼咸正辭拒之部將却效忠陰入城縱火殘其城而去良玉望城中火光曰予負袁公嘔血數升是夜死時

順治二年四月也諸將秘不發喪共推其子夢庚爲留後七日軍東下朝命黃得功渡江防勦初夢庚自立佯語繼咸至池州候旨抵池繼咸密以疏聞道梗不得達惠登相者初爲賊既降爲良玉副將諸軍自彭澤下連陷建德東流殘安慶城獨池州不破貽書登相曰留此以侍後軍登相大詬曰若此則我反不如前爲流賊時矣若先帥末命何撤其軍返夢庚見

黑旗船西上索輕舸追及之登相與相見大慟以夢
庚不足事引兵絕江而去諸將乃議旋師時

大清兵已下泗州逼儀真矣夢庚遂以舟降於九江
鄧玘四川人天啓初從軍積功得守備安邦彥玘
追賊織金勇冠諸將已敗績河濱魯欽敗沒賊犯威
清玘夜斫營走賊進都司僉書討敗苗酋李阿二自
貴州用兵裨將楊明楷劉志敏張雲鵬並驍勇不得
爲大將惟玘以功名聞崇禎初累遷四川副總兵與
侯良柱共斬安邦彥京師有警率六千人勤王共復
遵永四城加署都督僉事世廕千戶尋擢總兵官鎮

守遵化戰喜峰口及洪山並有功進秩爲真五年春
叛將亂登萊王洪等無功玘自請行命爲援勦總兵
官與洪及劉國柱禦賊沙河戰相當已而遁走賊乘
之大敗尋與諸將金國奇等復登萊二城錄功進署
都督同知玘戍遵化久思歸及登萊事竣復以爲言
會賊入河北言者請令玘勦玘怏怏而行給事中范
淑泰劾玘虐民帝不問旋遣近侍監其軍玘至濟源
射殺王自用于善陽山即賊紫金梁也頃之走賊礮
川拒却之彭城鎮與左良玉擊賊清池柳庄賊走林
縣而玘部將楊遇春邀賊中伏死賊用其旗幟誘殺

他將自是輕玘俄與良玉逐賊沙河賊圍湯陰玘被
困上樵窩良玉救乃免已共破賊官村沁河清池萬
善移師畿南敗賊白草關賊犯平山敗之紅子店馬
種川賊遁青石嶺敗之紅澗村醉漢口賊犯臨城敗
之魚柱嶺當是時賊蔓河朔及畿南天子特遣倪寵
王撲將京師而保定梁甫河南左良玉湯九州合玘
軍足殄賊群帥勢相頡彼此觀望託山深道岐以自
解莫利先入賊遂由渑池南渡而諸帥各有近侍爲
中軍事易掩飾所報功多不以實也十一月賊南遁
玘追敗之渑池扣子山至宜陽盧氏而還是月以玘

爲保定總兵官代梁甫七年正月以賊盡入鄭襄命
玘援勦鮮南漳圍尋敗賊胡地冲斬閻天王九條龍
草上飛扒山虎雙翼虎勦房縣竹山南漳賊戰獅子
崖石漳山斬一隻虎滿天飛已擊賊洵陽也家溝連
戰皆捷獲首功一千有奇八月叙五峯山破賊功進
右都督玘不善馭軍軍心亦不附譟於郢西玘渡河
以避之總督陳奇瑜犒慰乃定奇瑜集諸將討竹山
竹溪諸賊玘頻有功十一月賊大入河南命玘援勦
八年春賊陷新蔡知縣王信罵賊死玘追敗賊羅山
是時賊陷鳳陽命玘自黃州速援安慶及桐城被圍

玘竟不至御史錢守廉劾玘勦賊羅山殺良冒功總督洪承疇駭之四月承疇至汝州令玘戍樊城防漢江是月卻將王允成以剋餉鼓譟殺其二僕玘懼登樓越牆墮地死玘由小校忝小數百戰所向克捷以久戍缺望恣其下淫掠大學士王應熊以鄉里庇之玘益無所憚其死也人以爲逸罰云

賀人龍米脂人初以守備隸延綏巡撫洪承疇麾下崇禎四年承疇受賊降命人龍勞以酒伏兵擊斬賊三百二十人其冬張福臻代承疇遣人龍勦賊黨雄斬獲二百有奇明年夏從福臻擒賊孫守法其秋以

所部援勦山西六年春與總兵尤世祿復遼州已賊
賊垣曲絳縣進都司僉書又連破賊水頭鎮花池塞
湯湖村會山西賊幾盡乃還陝西從巡撫陳奇瑜討
平延川賊俘斬一千有奇奇瑜擢總督以人龍自隨
七年四月擊賊隰州擒寇天虎進叅將奇瑜連賊鄭
襄與漢人龍並有功賊佚車箱峽陷隴州西去奇瑜
遣人龍救之甫入隴州李自成復至環攻以人龍同
里開遣其將高傑移書令友人龍不報固守兩月左
光先救至圍始解十二月賊賊中庄明年正月鳳陽
陷總督洪承疇遣人龍馳救敗賊睢州進副總兵承

疇以陝西急率人龍入關商洛賊馬光玉等薄西安
距大軍五十里承疇命人龍入子午谷邀賊之南別
將劉成功王永祥邀賊之北張全昌從咸陽統興平
東賊以此不敢南遁盡走武功扶風又渡渭走郿縣
承疇追至王渠鎮賊方掠南山人龍成功等與賊追
奔三十里至大泥峪賊棄馬登山走七月高迎祥張
獻忠掠秦安清水人龍偕全昌破之張家川已而失
利都司田應龍等死八月高傑降承疇令人龍及遊
擊孫守法扶之趨富平乘夜擊敗賊人龍尋移守延
綏九年七月從巡撫孫傳庭大破賊藍屋擒迎祥九

月惠登相等屯寶雞承疇遣人龍等往擊戰於賈家
村追奔爲賊所截川將曾榮耀等來援敗去人龍坐
視官立功十年小紅狼圍漢中瑞王告急承疇率人
龍兵由兩當趨救賊解去詔復人龍官徽秦佚賊東
趨平鳳人龍躡至柳林不利賊窺西安人龍禦之斬
獲多其冬自成登相入四川承疇率人龍等往援歲
暮至廣元賊已逼成都自成別由松潘還陝右十一
年承疇督人龍等自階文窮追自成走入西羌界人
龍與曹變蛟等大戰二十七日自成引殘卒入塞竄
山中謀入四川爲人龍及馬科所追哭漢中托于左

光先其黨祁總管降自成幾滅詳變蛟傳其冬京師
戒嚴擢人龍總兵官師入衛人龍所部多降賊至
山西而謀尋撫定抵京與變蛟等奏捷於太平明年
事定還陝西其秋張獻忠羅汝才叛謀入陝人龍及
副將李國奇等扼之興安乃入川東楊嗣昌檄陝西
總督鄭崇儉率人龍國奇軍會勦十二月人龍擊賊
大敗之十三年二月與左良玉大破賊瑪瑙山人龍得
一千三百餘級降賊將二十五人六月汝才登相犯
開縣總兵鄭嘉棟擊之仙寺嶺人龍擊之馬弱溪共
斬者一千二百汝才登相東西走追之不能及時賊

盡集於川監軍萬元吉令川將守巴巫諸隘人龍國
奇及楚將張應元汪雲鳳張奏凱專主追擊及應元
軍入夔營土地嶺人龍逗遛不至諸軍遂大敗人龍
竟還陝已而獻忠汝才陷劍州趙廣元將從閬道入
漢中人龍拒之陽平百丈二關賊乃退十二月嗣昌
至重慶三檄人龍會師不至初嗣昌惡左良玉許人
龍代爲平賊將軍及戰瑯琊山良玉功第一嗣昌語
人龍姑待之人龍大失望効良玉所爲不奉約束嗣
昌亦不能制賊陷瀘州而北人龍屯小市廂隔一水
不擊賊遂越成都走漢州德陽人龍軍大譟而歸十

四年三月嗣昌卒丁啓睿代令人龍國奇出當陽擊敗自成於靈寶山中人龍子大明戰沒九月總督傅宗龍統人龍國奇軍出關次新蔡遇賊孟家庄將戰人龍先走國奇戰不勝亦走宗龍遂沒十五年正月總督汪喬年出關擊賊人龍及鄭嘉棟牛成虎從至襄城遇賊復不戰走喬年亦沒帝大怒欲誅之慮其爲變姑奪職戴罪視事及孫傳庭督師陝西帝授以意人龍駐咸陽虞福曉夜爲備傳庭以人龍家米脂其宗族多在賊中未可輕發在道佯上疏曰人龍臣舊將願賞其罪俾從臣自効帝亦佯許之人龍稍自

安傳庭至陝密與巡撫張爾忠謀以五月朔召人龍
計事數其罪斬之其部將周國卿將精卒二百人與
同黨魏大亨賀國賢高進庫等將逃還涇陽取其孥
與帑爲亂爾忠遣叅將孫守法先入涇陽質其妻子
國卿窮謀斬大亨等以降爾忠密聞之大亨遂斬國
卿函送其首他部將高杰高汝利賀勇董學禮等十
四人俱仍故官一軍乃定

黃得功號虎山開原衛人其先自合肥徙早孤與母
徐居少負奇氣膽畧過人年十二母釀酒熟竊飲至
盡母責之笑曰償易耳時遼事急得功持刀雜行伍

中出斬首二級中賞率得白金五十兩歸奉母曰兒
以償酒也由是隸經畧爲親軍累功至遊擊崇禎九
年遷副總兵分管京衛營十一年以禁軍從總督熊
文燦擊賊于舞陽鏖光固間最八月又從擊賊馬光
玉於浙州之吳村王家寨大破之詔加太子太師署
總兵銜十三年從太監盧九德破賊於板石畝賊韋
里眼等五營降十四年以總兵與王憲分駐鳳陽泗
州護陵張獻忠攻桐城挾營將廖應登至城下誘降
得功與劉良佐合兵擊之於鮑家嶺賊敗遁追至潛
山擒斬賊將闞世正馬武三鵠子王興國三鵠子獻

忠養子最好驍勇者也。得功箭傷面，愈自奮與賊搏戰十餘日，所殺傷獨多。明年移鎮廬州。十七年，封靖南伯。福王立江南，進封侯，旋命與劉良佐、劉澤清、高傑爲四鎮，初督輔史可法慮傑跋扈難制，故置得功儀真，陰相牽制。適登萊總兵黃蜚將之任，蜚與得功同姓，稱兄弟，移書請兵備，非常得功率騎三百由揚州往高郵迎之。傑副將胡茂損馳報，傑素忌得功，又疑圖已，乃伏精卒道中邀擊之，得功行至土橋，方作食，伏起，出不意，上馬舉鐵鞭飛矢，雨集馬，踣騰他騎，馳有驍騎舞槊直前，得功大呼，反關挾其槊而扶。

之人馬皆虜復殺數十人跳入顏垣中哮聲如雷追者不敢進遂疾馳至大軍得免方關時傑潛師持儀真得功兵頗傷而所俱行三百騎皆沒遂訴於朝願與傑決一死戰可法命監軍萬元吉和解之不可會得功有母喪可法來吊語之曰土橋之役無智愚皆知傑不義今將軍以國故捐盛怒而歸曲於高是將軍收大名於天下也得功色稍和終以所殺亡多爲恨可法令傑償其馬復出千金爲母賙得功不得已聽之明年傑欲趨河南規取中原詔得功與劉良佐守鄴徐傑死得功還儀真傑家并將士妻子尚留揚

州得功謀襲之朝廷亟遣盧九德諭止得功遂移鎮
廬州四月左良玉東下以清君側爲名至九江病死
軍中立其子夢庚命得功趨上江禦之駐師荻港得
功破夢庚兵於銅陵解其圍命移家鎮太平一意辦
賊論功加左柱國時

大清兵已渡江知福王奔分兵襲太平得功方收兵
屯蕪湖福王潛入其營得功驚泣曰陛下死守京城
臣等猶可盡力奈何聽奸人言倉卒至此且臣方對
敵安能危駕王曰非卿無可恃者得功泣曰願効死
得功戰荻港時傷臂幾墮衣葛衣以帛絡臂佩刀坐

小舟督麾下八總兵結束前迎敵而劉良佐已先歸
命奉豫王令大呼岸上招降得功怒叱曰汝乃降乎
忽飛矢至中其喉偏左得功知不可爲擲刀拾所拔
箭刺吭死其妻聞之亦自經總兵翁之琪投江死中
軍田雄遂挾福王降得功粗猛不識文義江南初立
主詔書指揮多出群小得功得詔紙或對使罵裂之
然忠義出天性聞以國事相規誠者輒屈己改不旋
踵北來太子之獄得功抗疏爭曰東宮未必假冒先
帝子卽上子未有了無證明況然雷同者臣恐在廷
諸臣諂徇者多抗顏者少卽明白識認亦不敢抗詞

取禍矣時太子真偽莫敢決而得功忠憤不阿如此
得功每戰飲酒數斗酒酣氣益厲喜持鐵鞭戰鞭漬
血沾手腕以水濡之及乃得脫軍中呼爲黃闔子始
爲偏裨隨大帥立功名未嘗一當大敵及專鎮封侯
不及一年餘而南北轉徙主逆將潰無所一用其力
束手就殪與國俱亡而已其軍行紀律嚴下無敢犯
所至人感其德廬州桐城定遠皆爲立生祠歲祀不
絕葬儀真方山毋墓側

高傑米脂人與李自成同邑同起爲盜崇禎七年閏
八月總督陳奇瑜遣參將賀人龍救隴州被圍大困

自成令傑遺書約人龍反不報使者歸先見傑後見
自成比圍城兩月不拔自成心疑傑遣別部將往代
傑歸守營自成妻邢氏趨武多智掌軍資每日支糧
伏傑輒過氏營分合符驗氏偉傑貌與之通恐自成
覺謀歸降次年八月遂竊邢氏來歸洪承疇以傳人
龍使其遊擊孫守法挾以破賊取立效爲信自是傑
常隸人龍麾下十三年張獻忠敗於瑪瑙山竄興歸
界上傑隨人龍及副將李國奇大敗之鹽井十五年
人龍以罪誅命傑爲實授遊擊十月陝西總督孫傳
庭至南陽自成與羅汝才西行遂之傳庭以傑與魯

某爲先鋒遇於塚頭大戰敗賊追奔六十里汝才見自成敗來救遶出官軍後後軍左勦望見賊怖而先奔衆軍皆奔遂大潰傑所亡矢獨以十六年進副總兵與總兵白廣思爲軍鋒兩人皆降將也廣思驚驚數不奉約束而傑尤凶暴朝廷以傑爲自成所切齒故命隸傳庭辦賊九月從傳庭克寶豐復郟縣時官軍乘勝深入乏食降將李際遇通賊自成帥精騎大至傳庭問計於諸將傑請戰廣思不可傳庭以廣思爲怯廣思不懌引所部遁去官軍接戰陷伏中傑登嶺上望之曰不可交矣亦麾衆退軍遂大奔死者數

萬廣恩走汝州不救傑乃隨傳庭走河北已而自山西渡河轉入潼關廣恩已先至十一月自成攻關廣恩力戰而傑怨廣恩以寶豐之敗不救已亦擁衆不肯救廣恩戰敗關遂破傳庭被殺自成破西安據之傑北走延安賊將李過追傑傑東走宜川河水適合遂渡入蒲津以守賊至冰解不得渡乃免廣恩既敗走固原爲賊將追及遂以城降十七年進傑總兵帝令總督李化熙率傑兵馳救山西而蒲州平陽已陷久傑退至澤州沿途大掠賊遂薄太原京師陷傑南走福王封傑興平伯列於四鎮領揚州駐城外傑固

欲入城揚州民畏傑不納傑攻城急日掠廂村婦女
民益惡之知府馬鳴騷推官湯來賀堅守月餘傑知
不可攻意稍急閣部史可法議以瓜州予傑乃止九
月命傑移駐徐州以左中允衛引文兼兵科給事中
監其軍西討徐州土賊程繼孔被擒至京師乘李自
成亂逃歸十二月傑擒斬之加太子少傅廕一子世
襲錦衣僉事初傑伏兵要擊黃得功於土橋得功幾
不免兩鎮遂相仇怨事見得功傳傑爭揚州時可法
頗爲所窘至是傑感可法忠與謀恢復議調得功與
劉澤清二鎮赴邳宿防河傑自提兵直趨歸開且瞰

宛洛荆襄以爲根本遂具䟽上之語激切且云得功與臣猶介介前事臣知報君雪耻而已安能與同列較短長哉然得功終不欲爲傑後勁而澤清尤狡橫難任故可法不得已調劉良佐赴徐與傑相聲援

順治二年正月傑抵歸德總兵許定國方駐睢州有言其送子渡河者傑招定國來會不應復邀巡撫趙其杰巡按陳潛夫同往睢州定國始郊送其杰諷傑勿入城傑心輕定國不聽遂入城十一日定國置酒享傑傑飲酣爲定國刻行期且微及送子事定國益疑無離睢意傑固促之行定國怒夜伏兵傳炮大呼

其杰等亟遁走傑醉卧帳中未起衆擁至定國所殺之先是傑以定國將去雖盡發兵戍開封所留親卒數十人而已定國僞恭順多選妓侍傑而以二妓偶一卒寢卒盡醉及聞炮欲起爲二妓所掣不得脫皆死明日傑部下至攻城老弱無孑遺定國走降

大清軍傑爲人淫毒楊民聞其死皆相賀然是行也進取甚銳士大夫望其成功故多惜之者始朝廷許四鎮與開國是故傑屢條奏救降賊者及請釋武懷於獄不允復疏荐吳姓鄭三俊金光辰姜垓熊開元金聲沈正宗等大抵其時武臣風尚多額此傑死贈

太子太保以其子元爵襲興平伯劉澤清曹縣人以
將材授遼東寧前衛守備遷山東都司僉書加叅將
崇禎三年

大清兵攻鐵廠欲據以絕豐潤糧道援守三屯總兵
楊肇基遣澤清來援未至鐵廠一十五里遇

大兵力戰自辰至午不決得濟師轉戰至遵化夾擊
獲勝遂入城叙功加二級至副總兵五年以侵尅軍
糧被劾詔立功衝要地六年遷總兵其冬加左都督
恢復登州有功八年詔統山東兵防漕九年京師戒
嚴統兵入衛令駐新城爲南北控扼復命留守通州

加左都督太子太師十三年五月山東大饑民相聚
爲寇曹濮尤甚帝命澤清會總兵楊御蕃兵勦捕之
八月降右都督鎮守山東防海澤清以生長山東久
鎮東省非宜請辭任帝令整旅渡河合諸鎮星馳援
勦十六年二月賊圍開封久澤清赴援以朱家寨去
汴八里提五千人南渡倚河爲寨疏水環之欲以次
結八寨達大堤築甬道饋饌城中壁壘未成賊來爭
相持三日互有殺傷澤清即命拔營去惶擾奔進士
爭舟多溺死者澤清爲人性恒怯懷私觀望嘗妄報
大捷邀賞賜又詭稱墮馬被傷詔資藥資四十兩命

赴保定勦賊不從日大掠臨清率兵南下所至焚劫一空寇氛日急給事中韓如愈馬嘉植皆謀奉使南歸如愈嘗劾澤清過東昌澤清遣人殺之於道無敢上聞者京師陷澤清走南都福王以爲四鎮之一封東平伯駐廬州時武臣各占分地賊入不以上供恣其所用置封疆兵事一切不問與廷臣互分黨援干豫朝政排擠異己奏牘紛如紀綱盡裂而澤清所言尤狂悖王初立即援靖康故事請以今歲五月改元元請宥故輔周延儒助餉賍銀都御史劉宗周劾四鎮跋扈狀澤清遂兩疏劾宗周且曰上若誅宗周臣

即卸職惟皇上賜劄朝廷不得已溫詔解之又請禁
巡按不得拿訪追贓請法司嚴緝故總督侯恂及其
子方夏朝廷皆曲意從之

順治二年四月揚州告急命澤清等往援而澤清已
潛謀輸款矣

大清惡其反覆磔誅之澤清頗涉文藝好吟咏嘗召
客飲酒唱和幕中蓄兩猿以名呼之即至一日宴其
故人子酌酒金甌中甌可容三升許呼猿捧酒跪送
客猿猱獐甚客戰掉逡巡不敢取澤清笑曰君怖耶
命取因撲死磔下剗其腦及心肝置甌中和酒付猿

捧之前飲醕顏色自若其亮恐多此類四鎮皆係福
王存亡劉良佐受職

本朝故不立傳

劉肇基字鼎維遼東人嗣世職指揮僉事遷都司僉
書隸山海總兵官尤世威麾下崇禎七年從世威援
宣府又從征中原賊進遊擊戍雒南蘭草川明年遇
賊戰敗傷臂未幾世威罷肇基及遊擊羅岱分將其
兵與祖寬大破賊汝州斬首千六百有奇後從寬數
有功而其部下皆邊軍久戍思歸與寬軍譟而走總
理虞象昇乃遣之入秦其秋畿輔有警始還山海竟

坐前罪解職全從征自効俄以圍守永平効復職累
遷遼東副總兵十二年冬薊遼總督洪承疇請用爲
署總兵官分練寧遠諸營卒兵部尚書傅宗龍稍持
之帝怒下宗龍獄擢肇基都督僉事任之明年三月
錦州有警承疇命吳三桂偕肇基赴松山爲聲援三
桂因松杏間肇基救出之喪士卒千人七月與曹變
蛟等戰黃土臺及松山杏山九月復戰杏山肇基軍
稍却承疇甄別諸將解肇基職代以王廷臣十七年
春加都督同知提督南京大教場及福王立史可法
督師淮揚肇基請從征自効累加左都督太子太保

可法議分布諸將奏薦李成棟賀大成王之綱李本
身胡茂禎爲總兵官成棟鎮徐州大成揚州之綱開
封本身茂禎隸高傑麾下爲前鋒而令肇基駐高家
集李棲鳳駐睢寧以防河棲鳳本甘肅總兵以地失
留淮揚間也閣標前鋒則用張天祿駐瓜州十一月
肇基棲鳳以可法命謀取宿遷初八日渡河復其城
越數日

大清兵圍邳州軍城北肇基等軍城南相持半月
大清兵引去

順治二年三月

大清兵抵揚州可法邀諸將赴援獨肇基自白洋河趨赴過高郵不見妻子既入城請乘

大清兵未集背城一戰可法持重肇基乃分守北門發砲傷圍者已而城破率所部四百人巷戰格殺數百人力不支一軍皆沒副將乙邦才馬應魁莊子固等皆同死邦才青州人崇禎中以隊長擊賊於河南江北間大將黃得功與賊戰霍山軍騎逐賊陷淖中賊圍而射之馬斃得功徒步闖天將暮僅餘二矢邦才大呼衝入賊走得功乃得出邦才授以已馬分矢與之且走且射殲追騎十餘人始得及其軍得功自

是知邦才時有張衡者亦以驍敢名賊圍六安急總督馬士英救之甫至斥其左右副將而號於軍中曰孰爲乙邦才張衡者兩人入謁即牒補副將以其兵授之曰爲我入六安取知州牒來報兩人出卽簡精騎二百夜衝賊陣而入達城大呼曰大軍至矣固守勿懈城中人喜守益堅兩人促知州署牒復奪圍出不損一騎時穎壽六安霍山諸州縣數被寇邦才大小十餘戰咸有功及可法鎮揚州携之行至是戰敗自刎死應魁字守卿貴池人初爲小將率家丁五十人巡村落間猝遇賊衆懼欲奔應魁大聲曰勿怖死

死命也連發二矢殪二賊賊即退可法因拔爲副總
兵俾領旗鼓每戰披白甲大書盡忠報國四字于背
竟巷戰死子固字憲伯遼東人年十三殺人亡命後
從軍有功積官至叅將嘗從山西總兵許定國救開
封軍半道譟歸定國獲罪子固輯餘衆得免議後可
法出鎮用爲副總兵俾興屯於徐州歸德間子固募
壯士七百人以赤心報國爲號聞揚州被圍率衆馳
救三日而至城將破欲擁可法出城遇

大清騎格關死他若副將樓捷汪雲龍李豫副旂鼓
叅將陶國祚內左營叅將許謹內右營叅將馮國用

內前營叅將陳光玉叅將李隆徐純仁遊擊李大忠
孫開忠及都司姚懷龍鮮學魯等十餘人皆以巷戰
死

論曰左良玉手握重兵膺天下安危之寄爵高祿厚
被恩亦不薄矣當夫西賊縱橫中原塗炭生靈倒懸
之厄宗社累卵之危呼吸存亡間不容髮此乾坤何
等時也乃寵極而驕傲慢以逞非養寇貽患則縱兵
掠民羽檄交馳而坐視莫顧孤軍望救而驕蹇自如
誤國負恩厥罪首通於天矣迨夫國破君亡皇都灰
燼江東搶攘下旅僅存孰無人心而忍膜視良玉則

穰志盡張諤行無忌竟舉壽陽之甲大肆淮南之謀
倘非天奪其魄身殞潯陽家突鴟張卽金陵早不堪
閤矣且夫四鎮齊封盡江虜閭東南半壁未必不倚
爲長城而諸人入室操戈自相離殺江城湯湯曾無
尺鏃之鋒將寡婦孤兒誰與爲守而南州二三駭監
尚藉口少康侈譚光武大言欺世薄典午炎宋不足
爲豈不取笑當時貽譏後代者哉

明史卷三百七十六

忠義傳

忠義一

從來忠義之性本具於天率而由之詣於其極則亦有激勸之道存焉明興以名節風天下表忠褒卹之典優渥有加蓋累朝不易也風聲所樹觀感易興前後守土死事之臣往往而有至喪亂之季義士亦絕不絕豈非教道之結人有以入其隱而鑒之坊也與考史乘所載烈蹟爛然膺而紀之以勸後世是亦所以為教矣

范雲懷遠人幼隨母適張氏貌偉而黑騎勇絕倫歲

癸巳謁太祖於臨濠奇其才俾將民略地所至輒摧
破克懷遠擒其帥拔余垵襲繆家寨羣寇驚散帝將
取滁州率數騎前行猝遇賊數千人顧後騎尚遠欲
退不可雲獨躍馬衛帝橫衝其陣而出賊披靡不敢
逼遂克滁州甲午從取和州獲卒三百人授管勾明
年帝渡江雲率衆先濟既克太平以雲才勇重厚命
宿衛左右丙申從克集慶獲卒千人擢總管徇丹陽
丹徒金壇諸縣皆下之過馬駙沙剽賊數百人遮道
要戰雲且行且鬪擒殺甚衆授前部先鋒從攻常州
拔其城駐兵守牛塘營六月立行樞密院於太平以

雲為院判階安遠大將軍丁酉春克常熟州獲卒萬
餘人七月命雲將兵趨寧國時羣盜蟠結山澤壁壘
相望雲操戈前行遇敵即闢斬首數百級而身未嘗
中一矢經榛莽泥淖中八日始達寧國尋命還守太
平庚子閏五月陳友諒以舟師來寇率麾下三千人
禦之元帥朱文遜戰死友諒攻三日不克乃以巨舟
乘漲泊城下令士卒緣舟尾攀堞而登城遂陷賊縛
雲急雲怒奮身大呼縛盡解起奪守者刀殺五六人
大罵賊怒碎其首縛於懸橋叢射之迄死罵不絕口
太祖卽吳位追封雲東丘郡侯方戰急時妻邵氏祭

家廟挈三歲兒會家人泣曰城且破吾夫必死吾義
不獨存然不可使花氏無後若輩善撫育之雲被執
却氏赴水死侍兒孫氏痊畢抱兒行為漢軍掠至九江
軍中惡兒啼孫氏投漁家脫簪珥屬養之及漢兵敗
孫氏往漁家負兒以走夜宿陶穴中天曙櫂舟渡江
遇清軍奪舟棄江中遇斷木浮至孫氏抱兒附木入
華洲採蓮實哺兒七日不死夜半聞人聲呼之逢老
父號雷老告之故與俱行明年二月達帝所孫氏抱
兒拜泣帝亦泣寘兒膝上曰將種也賜雷老衣忽不
見兒尋賜名煒累官水軍左衛指揮僉事世宗即位

之歲其五世孫為遠東復州衛指揮請於朝部氏贈
貞烈夫人孫氏安人立祠致祭文遜太祖養子也從
定江左積戰功擢元帥己亥八月太祖以無為州未
下命偕元帥奎友諒攻之遂克其城至是戰死

許瑗字栗夫樂平人聰敏強記元末兩舉于鄉皆第
一會試不第放浪吳越間每醉輒大言自負時人未
之知也歲戊戌太祖駐兵婺州瑗進謁上言曰方今
元祚將終四方鼎沸豪傑才勇之士勢不能獨安夫
有雄略者乃可馭雄才有奇識者乃能用奇士竊下
欲掃除僭亂平定天下非延攬英雄難以成功太祖

曰今四方紛擾民困塗炭予用英雄有如饑渴瑗曰
如此誠帝王之道天下不難定也太祖喜寘之幕所
與參軍事未幾以太平股肱郡命為知府瑗至勵士
卒修城池撫傷殘政事漸舉庚子閏五月陳友諒陷
其城既執守將花雲瑗與院判王鼎亦被執抗罵不
屈並死之追贈高陽郡侯賜儀真人初為趙忠養子
忠從太祖起兵為總督渡江克太平授行樞密院判
鎮池州趙普勝來寇忠出戰陣沒乃命鼎嗣忠職復
故姓守禦太平至是被難贈太原郡侯立忠臣祠與
雲瑗並祀

王愷字用和，當塗人。幼有大志，通經史。元時嘗為府吏。歲乙未，太祖拔太平召愷為掾，從下京口。民新附，不安，愷撫定之。及建中書省，用為都事。戊戌，苟軍數萬自杭州來降，待命嚴州境上。命愷馳諭之，遂偕其渠帥來朝。大軍克婺州，置中書分省，調愷為都事。己亥九月，克衢州，命愷總制軍民事。乃增城浚濠，置游擊軍編保甲，以益戍守。籍屬縣丁壯六人，簡一為兵。無事務，農有警，出戰五人，資其食。凡得兵萬餘人。常遇春時守金華，其部將有獲民者，愷執而撻之。市遇春怒，使人讓之。愷曰：「民者國之本，將軍主上股肱，肯令

傷其本乎。提一部將而萬民安。將軍所樂聞也。過春
謝之。開化馬宣挾舊印爲亂。江山楊明恃險剽掠。悉
討擒之。歲饑。出粟賑貸。勸興學校。士民咸服。陳友諒
寇龍江。太祖命胡大海檄廣信以牽制之。大海遣元
帥葛俊率兵往。道徑衢。愷謂俊曰。廣信偽漢門戶。彼
既傾國入寇。寧不以重兵爲守。非大將統全軍不可。
若出偏師。撓之。未見其利。設有挫衄。吾衢先繹騷矣。
乃止。俊而請大海行。大海至而廣信潰。一如愷言。辛
丑五月。建中書分省。安遷愷左右司郎中。佐胡大
海治省事。時力役繁興。令民自實田賦多者爲里正。

通驗其賦均役之滿一斗者役一日即豪富家無俸
免役稱平明年二月苗軍作亂既害胡大海遂執愷
欲降之愷正色曰吾職守此土義當死寧從賊耶賊
帥劉震欲全之其黨吳得真素有隙曰毋自遺患遂
并其子行殺之愷好謀能斷嘗白事未聽却立戶外
抵暮不去太祖出怪而問之愷諫如初卒從其議後
贈奉直大夫飛騎尉追封富塗縣男同時有劉齊者
以江西行省叅政守吉安癸卯五月守將李明道與
叅政魯萬中指揮魯粹中兄弟不協潛遣人通陳友
諒部將蔣必勝饒鼎臣約以兵未及敵兵至明道舉

火為慮開西門納之城遂陷萬中興叅政陳海俱被
殺執齊及知府朱叔華脅之降二人不屈必勝又攻
破臨江執同知趙天麟亦不屈俱送友諒所時友諒
方攻洪都以三人拘于城下殺之是月無為知州董
曾亦抗節死曾守無為招集流亡俾各復業民甚安
之友諒遣兵攻陷其城執曾令之降曾抗罵不屈遂
沉於江

孫炎字伯融句容人面黑如鐵跛一足談辨風生能
為歌詩時丁復夏煜以詩召炎游此兩人間詩日進
雅負經濟輕章句儒太祖下集慶召見與語陳元運

將終請延攬賢豪圖大業太祖悅時開行中書省即用炎為省掾預計謀從征浙東有勞擢池州同知尋進知府己亥召為行省都事其年十二年師克處州羣盜猶憑結山澤乃用炎為總制軍馬錢穀悉以委之且授空名牒得自辟置炎匹馬入城召父老開示禍福衆咸聽命乃擇健兒為兵部署訓練紀律嚴明時才智士若劉基章溢葉琛皆伏處山谷不肯出炎悉以禮釣致之基尤不輕為人用炎使再往基道以寶劍炎作詩謂劍當獻之天子斬不順命者非人臣所宜用封還之再貽書數千言基始逡巡就見亦會

太祖未聘遂送之京師當是時處城七里外皆賊營
壘而太祖方征代四方無一兵界炎賴炎處置有方
境內漸定至壬寅二月苗軍變作既殺院判耿再成
并執炎及知府王道同元帥朱文剛幽炎空室脅之
降炎不屈賊帥賀仁德饋以燂雁斗酒炎不受大罵
曰今日乃為鼠輩所困然鼠輩死不旋踵狗且不食
其餘賊怒拔刀叱解衣炎曰此紫綺裘乃主上所賜
吾當服以死遂見害年三十餘後追贈丹陽縣男塑
像耿再成祠道同初為中書省宣使遷帳前總管出
為義烏知縣擢知處州至是為賀仁德所逼不屈死

贈太原郡侯文剛太祖養子小字柴舍方變起時欲
與成聚兵殺賊不及被難贈鎮國將軍附祭功臣
廟

胡深字仲淵處州龍泉人父鈺行省員外郎深穎拔
有智畧通經史百家兼曉術數元末兵亂嘆曰浙水
東地氣盡白禍將及矣乃集里中子弟自保石抹宜
孫以萬戶鎮處州辟參軍事募兵數千收降諸山寇
温州韓虎陳安國殺主將據城叛深往諭之軍民感
泣殺虎等以城降從征鄱陽青田人潘惟賢反龍泉
令寶忽丁遁賊遂焚縣治深師王毅集義兵擊退之

寶忽丁內慙殺毅反深聞亟馳歸執戮首惡窮其巢穴宜孫假深分院行軍都事遂移兵討平虎水縉雲松陽青田遂昌群寇統其衆以扞州城宜孫時已進行省叅政承制命深為元帥戊戌十二月太祖親征婺州宜孫懼召深及章溢謀先遣弟院判厚孫助守婺而命深以獅子戰車數百輛援之深至松溪不敢進太祖命胡德濟誘其兵于梅花門外縱擊大破之擒元帥李彌章深等遁去婺遂下明年太祖命耿再成侵處州宜孫分遣元帥葉瑄屯桃花嶺叅謀林彬祖屯葛渡鎮撫陳仲真屯樊嶺而深屯龍泉以拒之

其冬胡大海復進兵與冉成合破樊嶺連拔桃花葛
渡二寨進抵城下宜孫復戰敗與葉琛章溢走建寧
處州遂下深以龍泉慶元松陽遂昌四縣降太祖素
知深名召入見授左司員外郎遣還處州招集舊部
曲從征江西既定命以親指揮守吉安處州苗軍李
祐之賀仁得叛殺守將耿冉成命深從平章邵榮討
之攻克其城祐之自殺仁得走縉雲被執伏誅會改中
書分省為浙東行中書省以深為左右司郎中總制
處州軍民事時山寇竊發人情未固深捕誅渠率廣
募健兒得兵萬餘人量加田賦以資軍食鹽稅舊二

十取一至是倍之深請得如舊軍騎橫虐民誅其尤
者數人患乃悉學校久廢薦進士吳世昌司其事文
敬始興癸卯九月諸全叛將謝再興以張士誠兵犯
東陽左丞李文忠令深與裨將夏子寶為前鋒禦之
戰于義烏文忠自將走賊深因建議諸全浙東藩屏
諸全不守則浙東不支乃度地去諸全五十里于五
指山下別築新城分兵戍守太祖初聞再興叛急馳
使詣文忠別為城守計至則工已竣後士誠將李伯
昇大舉來侵頓城下不能拔乃引去太祖重嘉深功
賜以名馬青田賊葉仲賢久為亂勒兵破滅之初溫

州豪周宗道聚衆據平陽數爲方國珍從子明善所
逼遂以城來歸明善怒攻之宗道求援深遣兵擊敗
之遂攻下瑞安而深自進兵温州明善懼與國珍謀
歲輸銀二萬充軍費乃命深班師太祖稱吳王用深
爲王府參軍仍守處州陳友定兵至拒破之追至浦
城又敗其守將兵城遂下未幾拔松溪獲其守將張
子玉因請發廣信撫州建昌三路兵規取八閩太祖
喜曰子玉驍將擒之則友定破膽乘勢攻之理無不
克因命廣信指揮朱亮祖由鉛山建昌左丞王濟由
杉關會深齊進已亮祖等克崇安遂進攻建寧友定

將阮德柔固守諸軍攻城下亮祖即欲攻之深視氛
侵不利語亮祖曰天時未協將必有災亮祖曰師已
至此庸可緩乎且天道幽遠山澤之氣變態無常何
足徵也追深進兵深猶持不可時德柔兵屯錦江通
深陣後亮祖督戰益急深不獲已引兵鼓譟進擊破
其二柵德柔盡精銳扼深軍圍之數重日已莫深突圍
出伏兵起馬蹶被執送于友定友定敬禮之深因盛
稱太祖神聖威武羣雄屬心以喻友定友定本無殺
深意會元使至督迫之遂遇害年五十二追封靖雲
郡伯深久涖鄉郡取衆寬厚用兵十餘年未嘗害戮

其人太祖常問宋濂曰胡深何如人對曰文武才也
太祖曰誠然浙東一障吾方賴之此伐閩有星變太
祖曰東南必失一良將亟諭之深已被害

牟魯為程人為莒州州知洪武三年秋青州民孫古
耕等為亂襲州城執魯欲降之魯曉之曰國家混一
海宇民豈樂業若輩何為自求誅戮能悔過自新猶
可轉禍為福不然官軍旦夕至若輩寧有遺類耶我
為守土臣義唯一死所惜者良民耳賊未敢加害擁
至城南鄒家莊魯大罵遂殺之已而青州兵至賊遂
破滅事聞報恤其家與魯先後死難者又有白謙梁

源王名善黃黑顏師勝陳放諸人諫為婺源知州漲
政廉惠自奉甚薄遇除夕無他供具蔬菜而已家人
嘆其寥落諫笑之怡然歲乙巳冬信州盜蕭明來寇
諫力不能禦懷印出北門赴水死源為肇慶府經歷
以公事赴新興遇山賊陳勇卿等百餘人被執勒源
跪源大罵曰汝反賊我命官乃跪汝耶賊遂殺之洪
武三年事聞贈官二等名善義烏人為高州府通判
海寇何均善聚衆數百人據海濱已為官軍捕殺洪
武四年秋其黨羅子仁偕率衆潛入城執名善逼使
從亡名善不屈執至霞洞斬源遂遇害里為雲南州

用兵熟試五年秋蒙古兵入城里得其衆得庫率
民與寇戰力屈死之得者亦重傷會德州兵乘寇而
進師勝興化大為戮者縣知縣洪武十二年賊彭普
責作亂剽掠旁近師勝督民兵討之力不敵遇害賜
卹褒其復以騎常恤其家故增城人洪武十四年舉
賢選禮部主客郎中坐事左遷雲南曲靖府經歷
尋辭升明軍陣寇竊來攻城敗率壯士禦之賊衆
留兵寨其下敗退敵騎自大呼鼓勇前進力戰死事
聞命有司恤其家

王嗣事性常慈亮文與某東常敬常與天學知名

綱鑑書目劄記語基曰老夫性在山林異時得忠孝
所以世緣見累後基竟薦綱於太祖洪武四年徵至京
師年已五十而蓄髯臂力如少壯太祖異之策以治
選推兵部郎中未幾潮州民叛靖除綱廣東奏議往督
兵餉語所親曰吾命盡此行乎致書家人與訣携子彥
邁以行至則弟綱俱輸民威叩頭謝罪還抵增城遇海
寇弗敢竊發越諒祿元年載舟羅拜願得以爲帥綱諭以
禍福不從則奮罵賊其昇之而去爲壇坐綱自拜請不
允綱罵不絕口遂遇害於達平十六時隨父謝亦罵賊
陳死賊怒并殺之者真曰父忠子孝殺之未祥全假率

羊裘死而出二十四年御史郭統始以事聞詔立廟死
所歲時祀之彥達以父廕當得官痛父死難終身不仕
朱顓忠如舉人初同兄貞為張士誠將守松江歲丙午
兄弟率所部來降數從征有功吳元年授顓忠濠梁衛
指揮食事從鄧愈下河州抵土蕃又從傅友德克蜀文
州遂留守之洪武四年夏蜀將丁世真誘合番賊數萬
來寇顓忠戰却之已而復來攻城城中食盡外援不至部
下皆曰與其陪死地孰若出城求生顓忠厲聲曰為將
為城城存與存城亡與亡豈有求活將軍耶詰旦世真
攻圍益急顓忠悉出兵東門拒戰而世真潛兵攻西門

日且暮顯忠被傷累瘡決戰力不支城破為亂兵所
殺千戶王均諒被執不屈蜀人磔之士卒七百餘人
死傷過半祇餘二百人居無何友德調兵來援世真
棄城遁去事聞贈官賜恤有差

萬斌字文質定遠人沉毅尚氣質元季海內亂集壯
士保障鄉曲歲癸巳歸太祖於濠從克滁和真三州
授管軍副千戶鎮滁後太祖用師江南江北州縣多
陷斌屢摧破隣寇孤城晏如守滁十三年始從征建
寧洪武紀元從下中原調永平五年六月從宣寧侯
曹良臣逐寇塞外失戰于阿魯渾河先登陷陣死之

予鍾襲龍驤衛尉戶數從征有功遷寧波衛指揮
僉事賜諡世襲自是為寧波人建文元年燕師起從
長興侯耿炳文北征力戰于大興之花園又死之子
武襲指揮僉事永樂六年從黔國公沐晟征交趾深
入鏖戰標舍江又死之弟文嗣兄職永樂十六年日
本入寇率舟師禦之蓮花洋獲其三艦生擒酋一人
斬賊百三十有奇明年六月率舟師出哨至桃渚夜
有龍浮海上兩目若懸炬文疑為寇舟急發矢射之
落其一須臾風濤大作舟覆溺焉萬氏祖孫父子四
人並死主事論者多之文遺腹子全全子禧禧子椿

皆嗣祖職竟世其家椿子表自有傳

王禕字子充義烏人幼敏慧嗜學長師黃潛為古文
遂以文章名世嘗游元都陳時務七八千言宰相格
不以聞危素張起岩輩先後論荐之並不報乃南歸
益務著書立言名日盛歲戊戌太祖親取婺州置中
書分省召見大喜用為分省掾吏辛丑太祖征江西
禕獻頌太祖喜曰吾固知江南有二儒卿與宋濂耳
學問之博卿不如濂才思之雄濂亦不如卿賜而遣之
癸卯夏創禮賢館李文忠荐禕及許元王天錫召真
館中旋授江南儒學提舉司校理以父憂歸己巳服

開除侍禮部兼引使尋用為起居注明年同知南
康府事賜金帶寵之在官以仁恕得民太祖將即表
位召還議禮坐事忤旨出為漳州府通判洪武元年
八月上疏曰自古帝王定天下成大業必祈天永命
為萬世無疆之計所以祈之者在人君修德而已君
德既修則天眷自不能已書曰皇天無親惟德是輔
此之謂也人君修德之要有二忠厚以存心寬大以
為政二者君德之大端也周家以忠厚開國故能垂
八百年之基漢室以寬大為政故能傳四百載之業
簡冊所載不可誣也陛下負不世出之資當大有為

之志艱難十年大業已成周之文武漢之高光蓋無
讓焉臣竊聞之人君莫先于法天道莫急于順人心
夫上天以生物為心故春夏以長養秋冬以收藏皆
所以生物也其間雷霆霜雪有時而搏擊焉有時而
肅殺焉然皆暫而不常向使雷霆霜雪無時而不施
則上天生物之心息矣人君體上天生物之心故一
動一靜之間務求合乎天不然則天必示之變異以
警戒之人君誠能修德豈不足當天意而承天養哉
臣所以願陛下法天道也夫民恃君以為生故人君
視民之休戚必若若之休戚以君民得一體乎古者

藏富於民取之有節蘇軾發民生遂而得其所陛下近發德音減茶課免軍需獨邊郡之租稅民生咸悅冀得以遂其有生之樂然今浙西既平租稅既廣科歛之常賦猶有可議者臣所以願陛下順人心也法天道順人心則存乎心者自然忠厚施于政者自然廣大祈天永命之道未有越此者也書奏太祖嘉納之明年修元史命禕與宋濂為總裁官書成擢翰林待制同知制誥兼國史院編修官三年二月奉詔預教大本堂每召對必賜坐久則賜食七月坐失朝降編修尋出使吐蕃未至召還五年正月太祖既平蜀議招

諭雲南會北平送雲南使者蘇成至乃梁元王遣使
漠北者即命禕賚詔偕成同往六月既至諭梁王把
匝刺尼爾察以禍福王已有歸款意會元嗣君遣使
脫脫來徵餉知王有貳心因脅以危言必欲殺禕其
王首鼠兩端匿禕民間脫脫怒誚讓益厲王不得已
出禕見之脫脫欲屈禕禕叱曰天既訖汝元命我朝
寶代之汝猶燔火餘燼散與日月爭明耶且我與汝
使使也豈為汝屈脫脫益詈王或曰兩國交兵使在
其間不從則遣之彼何罪也且王公素負重名不宜
加害脫脫益怒搢子馬今雖孔聖義不得存禕顧王

曰汝朝殺我天無辜至汝禍不旋踵矣遂遇害時十
二月二十四日也年五十有二雲南人聞之莫不垂
涕張王遣使致祭具棺衾歛之建文中予紳松予朝
詔贈翰林學士謚文節正統間改謚忠文成化中命
建祠雲南春秋奉祀

紳字仲縉諱歿時年甫十三聰敏能文鞠于兄綬事
母及兄盡孝友長益博學受業宋濂濂器之曰吾友
為不亡矣蜀猷王聞其賢聘致待以客禮紳痛父遭
讎未返啓王往求王資給之至則通求不獲即其死
所錄徐疏慟幾絕述滇南慟哭記以歸建文帝即位

給事中涂誠御史黃凱交荐召為國子博士預修太祖實錄獻大明饒歌鼓吹曲十二章與方孝孺友善勸之著書孝孺不答紳悟遂略文藝潛心道德卒于官年四十一有繼志齋集子徐

徐字叔豐幼即好學師事方孝孺孝孺被難與其友陳珣輩潛收遺骸禍幾不測自是絕意仕進初紳痛父之亡食不兼味徐守之不變居喪盡禮不飲酒食由者三年卒年五十九門人私謚曰孝莊先生所著有青岩類稿聖廟文纂金華野史傳續文章正宗諸書于汶



汶寧允達少孤力~~勤~~舉成化十四年進士授中書舍
人居三年即謝病歸築精舍齊山下讀書其中弘治
初言者交荐與檢討陳獻章同被召汶猶力辭學士
謝鐸祭酒章慫勉之行乃就道未抵京卒有齊山文
集

吳雲宜興人仕元為端本堂司經改翰林待制元都
既下以故官送赴京除弘文館校書郎歷渭南縣丞
刑部郎中磨勘司令擢刑部尚書洪武六年二月與
禮部尚書陶凱並出為湖廣行省叅政明年夏並賜
公田祿米百石尋坐事被徵八年九月太祖~~親~~以故元

梁王據雲南殺我使臣王禕議再遣使招諭召雲語
之曰今天下一家四裔賓服獨雲南未奉正朔殺我
使臣朕欲興兵取之恐勞師費財重煩遠人卿能為
朕作陸賈乎雲對曰天命所在誰能違之第彼恃險
遠故阻聲教臣奉陛下威德往告以大義曉以禍福
彼必附順若真頑不從興師未晚遂遣雲行時梁王
遣鐵知院等二十餘人使漢北為大軍所獲送京師
太祖釋之命與雲偕行既入境鐵知院等謀曰吾屬
奉使不達中道被執而還罪必不免於是共說誘雲
令易服詐為元使通全改制書共給梁王雲不從

以死自誓鐵知院鐵知不可奪遂殺之梁王後聞其
事遣人收雲骨送蜀給孤寺瑣之雲南平雲子散上
其事于朝詔馳傳送葬以骸為國子生弘治中從雲
南巡撫王詔請贈刑部尚書謚忠節與祿並祀改祠
額曰二忠

熊鼎字伯穎臨川人元末舉於鄉不第歸主龍溪書
院兵亂結鄉人立柵自守陳友諒屢脅之不應鄧愈
鎮江西數延見奇其才及太祖巡幸至愈以鼎荐召
見軍門欲官之固以親老辭乃留愈幕府贊軍事母
喪除召率京師以鼎有文學命偕諸儒撰公子書刻

責成子弟尋授德清縣丞錢鶴舉仄松江隣郡民多
驚竄鼎鎮之以靜得無患吳元年召議禮儀除中書
考功博士尋遷起居注宮殿成命類編古人行事可
為鑒戒者書之壁間令人臥忠使廣信還奏郡縣官
多違法所陳茶稅失盡實時方頒赦令帝怒遣御史
廉狀丞相李善長諫不納御史已陞辭善長再諫又
不納出佾給事中尹正進曰朝廷始立將布大信于
四方今肆赦之後復以細故煩御史既失信且聚威
帝默然久之乃罷遣洪武改元凡創制議事多預聞
時新設浙江按察使以鼎為僉事分部台溫二府經

方氏竊據後僞宮將二百人暴如虎狼禹盡剝種
類遷之江淮間民始安枕溫有邪教曰大明廣建殿
宇民無業者咸歸焉禹奏毀之散其衆為農地多娼
戶中朝使者以事至多挾娼飲有司罷于供應盡籍
而送之京師平陽吏日杜乙贓罪發同知以下皆首
服獨知州梅謚辨不已民數百咸爭知州無辜禹將
聽之吏白曰奉詔按獄而釋知州不治如故出何再
進民詢之辭不變嘆曰法以誅罪吾敢畏謫而誅無
罪人乎釋謚以情聞報如其奏寧海民陳德仲以私
憾去縣蔡異異妻屢訴無為白之者一日曉其媒忽

有青蛙立案上鼎曰蛙非黎異乎果異則止勿動吾
辨爾冤蛙果如言明日逮德仲鞠實立正其罪凡事
未便者咸為釐革兩郡民歡若更生是秋山東初定
該按察司復以鼎為僉事奏罷不職有司數十輩歷
郡肅清進本司副使三年封建諸王從鼎為晉王府
右傅明年故元四大王出沒山西為患以鼎不能弭
賊左遷大同衛知事五年復受晉王府參軍尋召為
刑部主事八年丙戌朵兒只班率部落內附陟鼎岐
寧衛經歷撫之賜白金鈔以行既至知酋降意非實
密疏論之帝遣使慰勞賜以裘帽復遣中使趙成

之勇等既行荀果邀其下脅鼎還鼎貢以大義罵
之遂與成及知事杜寅俱被害帝聞悼惜命葬之黃
羊川立祠敎祀以所食俸米給其家

吳得全椒人洪武中為龍里守禦所千戶三十年古
州上婆洞蠻林寬作亂來攻城得與鎮撫盱昭并爭
為城守計遣人馳報貴州都司而堅守以待援無何
賊縱火燒四門攻益急得謂乎曰我等為國守遠且
有父母在城今賊勢如此徒守何益即上馬勒精銳
開門奮擊或語得曰賊勢方盛宜俟其急而後擊得
曰城陷在俄頃何俟之有若城不能守父母被難是

不忠于君不孝于親吾何用生為即率麾下馳入賊陣殺數十人搏戰不已竟中毒弩死乎繼戰亦死于陣事聞太祖嘉嘆贈得指揮僉事平正千戶俾其子孫世襲且賜鈔帛賙其家

楊紹宗攸縣人洪武時從軍北伐累功授象山縣錢倉所千戶建文三年倭寇登岸剽掠紹宗大書于壁曰設將禦敵設軍衛民縱敵不忠棄民不仁不忠不仁何以為臣為臣不職何以為人書畢命妻李氏具牲酒生奠之與訣而出乃密令游兵從間道焚其舟賊驚救紹宗直前格戰殺賊無算追擊至海岬渾深

馬陷賊還放之猶子刃數十賊遂死馬其妻攜孤赴
奏詔賜葬祭勒碑旌之

皇甫斌壽州人先為興州右屯衛指揮同知都指揮
巫凱荐其才調遠海衛斌為人忠勇有智畧遇警不
顧險艱輒身先士卒宣德五年十月寇犯邊斌勒兵
禦之至密城東峪與交鋒自旦及晡力不克斌氣愈
銳戰愈力既而矢盡援絕短兵接子弼以身衛父遂
俱戰死麾下千戶吳貴百戶吳襄毛觀並驍勇善戰
出必衝鋒至是亦陣沒然斌等被傷過當寇亦引退
事聞詔有司褒卹

葉禎字夢吉高要人舉于鄉卒業國學授潯州府同知母喪除起改鳳翔有善政調官廣遠當是時兩廣徭賊竄起列郡咸被其害文武將吏率縮朒觀望莫以爲意禎至扼憤恨每與僚吏言輒慷慨泣下誓不與賊俱生乃廣募健兒用什伍法置長分督之禎躬探甲冑日號令訓練衆莫不踴躍思奮峒酋常父強數敗官軍跳梁城下禎麾衆生繫之奪還子女畜產無算其黨忿恚並衆攻圍旗山守將擁兵不救禎急率健兒赴之賊望見軍容整為却去子女得還者千餘人兵既旋賊覘知無後繼潛躡之禎逆旆與戰

殺傷相當于公榮職馬禎知賊不得志必再來嚴兵以待頃之賊悉衆圍雞刺諸村禎請救于都指揮黃鉞鉞方與黃知府會飲不肯行禎憤遽率所部三百人趨赴至中塗賊突出人頭山下橫衝官軍禎麾衆鏖戰賊衆益多擡矢刃向禎禎身被數鎗猶手刃賊一人竟以衆寡不敵與從子官慶及三百人皆死時天順三年正月之晦也嶺南素無雪是夜大雷電雪深尺許賊大驚異釋圍而去諸村獲全士民聞禎死莫不哀號手香燈祭奠者不絕事聞贈朝列大夫廣西布政司參議守臣為立廟祀之

王禎字維禎吉水人祖省死靖難兵自有傳成化初
禎由國子生授夔州府通判時荆襄賊石和尚流劫
至巫山而督盜王同知怯不敢救禎面數之曰若食
朝廷祿所職何事思委赤子虎口耶即代勒所部民
兵晝夜行至則城已陷賊方聚山中索繫之殺其魁
三十三人餘盡遁乃行縣撫傷殘招潰散久乃得還
甫三日賊復流劫大昌禎趣同知行同知不應指揮
曹能柴成庀同知詭詞為解且激禎曰公誠為國士
力肯復行乎禎即應聲請徃兩人故酌酒賀且許以
身相翼禎即上馬勒民兵挾兩人與俱既至夾水而

陣已麾兵畢渡能成兩人見賊即遁頑陷圍中自寅
迄申士馬疲憊入淖中不得脫賊欲降之頑奮罵賊
怒斷喉及右臂而死奉節典史及部卒六百餘人皆
死時二年五月九日也自死所至府三百餘里所乘
馬奔歸長嘶血淋漓毛盡赤衆始知頑敗往覓屍面
如生不以暑厲予賡貧不能歸鬻馬為資王同知者
得馬而不償直觀既行馬忽夜半哀鳴王命秣者加
莖鳴不止王自起視之馬驟前噬其項且擣其胸翼
日嘔血死人稱為義馬云久之事聞贈按察僉事錄
其一事能成亦被讎

萬琛字廷獻宣城人為人慷慨負氣節成化十三年
舉于鄉累試不第授清江知縣母憂歸弘治中起補
瑞金劇盜劫掠至其縣縣人洶洶逃竄有勸琛急去
者琛斥之率民兵數十人迎敵殺賊二十餘人相持
至明日力屈被執罵不絕口賊擗刺之乃死時十八
年正月也守臣上其狀贈光祿少卿賜祭葬予廕同
時有王祐者為廣昌知縣寇至民盡逃祐見勢孤援
兵不至拔刀自刎其腹曰有城不能守何以生為左
右奔奪其刀後援兵集寇稍退越七日復竄至祐倉
皇赴敵死之

楊忠，寧夏人。世官中衛指揮使，以功進都指揮僉事。居官廉介，有謀勇，鎮人稱之。正德五年，安化王竊鐸反，其黨丁廣將殺巡撫安惟學。忠時適在惟學側，罵曰：「賊狗敢犯上耶！」廣怒殺之，迄死罵不絕口。又有李濟者，與忠同官，聞變馳至，其鋪所門閉，不得入。因大罵，遂為賊所殺。百戶張欽不從，逆走至雷福堡，亦為叛黨所殺。事聞，贈官，增廕表忠。廉曰：「忠烈之門，欽曰忠節之門。」

吳景，南陵人。弘治九年進士。正德中，歷官四川僉事，守江津。初，重慶人曹弼為盜，亡命播州，復糾衆千人。

寇川南謀興大盜藍廷瑞令六年正月進逼江津時
御史俞緇行部至聞賊報將遁士民留之不得屬景
及都指揮龐鳳禦之鳳邀景俱下景不可率與史張
俊迎擊手殺三賊矢被面急收兵入保而城已陷大
呼曰寧殺我毋殺士民賊強之跪不屈遂被害俊亦
死巡撫林俊上其事詔贈景副使賜祭葬立祠江津
世廕宣州衛百戶同時王源五臺人弘治十二年進
士亦官四川僉事景死之月源行部川北會藍駟諸
賊力大爭竹山轉掠通巴至營山縣源率典史鄧俊
禦之為所殺俊亦戰死事聞贈副使亦廕其子明年

正月賊麻六兒越百丈關將通川東副使馮傑率兵
進擊于蒼溪傅斬顏衆日輔移營鐵山關賊乘夜衝
突兵潰傑死之事聞贈按察使賜祭葬謚恪愍世廕
百戶

時植字良材通許人入資為國子生正德六年春除
四川梁山主簿攝縣事其年十一月賊方四等轉略
梁山植率衆拒却之斬獲數十級踰月復至植誓與
存亡相距數日力不支城陷被執賊說降不屈脅取
其印不予大罵死妻賈氏聞變即自縊女方九歲兄
母苑亦赴火死事聞贈植知縣錄其子表其妻女為

貞烈有羅明者以吏起家歷劍州判官大盜駟本愆
等逼其城民皆逃竄明與其子介膺城拒守力屈城
陷明爲賊死介奮身救父亦死事聞詔與贈卹時本
愆等攻剽城邑所向崩潰其士民能冒死殺賊者有
趙趙徐敬之雷應通袁璋諸人趙梁山諸生賊攻城
趨同友人黃甲李鳳何璟蕭銳徐宣楊茂寬趙采華
死拒守城陷皆死都御史林俊嘉其義立祠祀之敬
之亦梁山人流賊起衆擁爲部長賊至身先陷陣力
戰而死後題其墓曰忠勇義士爲文祭之應通嘉州
人賊衝百丈關知州何濤提兵拒敵應通父子七人

踴躍倡義誓以死戰為賊所執各慷慨就死無一乞
憐者璋南江人素以勇俠聞後委勦賊璋奮不顧身
所在有功後為賊所執其子襲挺身救之連殺七賊
亦被執俱死襲死三日兩目猶瞠視其父俊為詩挽
之榜其門曰父子忠節總制彭澤為勒石城隍廟祀
於忠孝祠

孫璽字廷信代州人舉于鄉授諸城知縣改扶風正
德六年四川盜流入漢中都御史藍章以略陽為漢
中要地舊無城而其令嚴順懦不足任檄璽往城之
璽至順以為耻使縣民賂璽求毋城璽不可日周行

相度期一月詔工工未畢而賊至順曰城不可守盡
去諸壘又不可士民聞順言爭欲去壘拔刀斫坐几
曰欲去者視此乃率僚屬堅守相持三日賊欲退獲
城中告急者知力窘援率眾環之順竟踰垣走城遂
陷執壘壘奮罵不屈賊鬻殺之是年七月二十四日
也賊大掠三日去順復還牒報壘與已俱遁渡白水
江壘溺死上官索其屍順取江濱他人屍棺斂之指
為壘屍還其鄉壘子格視之非是走闕下上章辨詔
御史主廷相勘實乃得壘死節狀贈光祿少卿賜祭
予廕順抵罪

段勇字世高澤州人隸籍錦衣衛舉弘治十五年進士授河南府推官正德時歷兵科都給事中劉瑾既誅言官疏劾瑾黨勇預馬議素強知縣六年七月流賊薄城下勇誓衆固守矢石俱發一日間賊三進三却斬其渠一人從賊二百餘人賊怒攻圍益急泰將宋振駐兵東門與賊對語不發一矢越三日城陷勇身中數矢一鎗猶瞋目奮臂大呼殺賊遂被害賊屠其城死者四千八百餘人事聞贈太僕少卿賜祭世廕錦衣百戶明年正月賊入大城縣知縣張汝舟主簿李銓迎戰為所殺贈汝舟光祿丞賜祭錄其一子

銓贈知縣有司給官歛還其喪

王佐字汝弼潞州人弘治八年舉於鄉正德初授西平知縣時流賊四起佐修城池練民兵守具甚設六年冬賊率衆來攻佐力拒之殺傷數十人有賊渠躍馬出佐一矢斃之賊忿攻圍益急三日城陷佐手格殺數人力屈被執罵不絕口賊懸之旗竿叢射之猶瞑目大罵既死賊復走解之事聞贈光祿少卿賜祭予廕春秋祠祀同時唐天恩任葉縣知縣大盜趙鏹等縱橫河南北將逼葉天恩急繕守具以待己而寇至力不支城遂陷天恩及其父政等七人俱遇害撫

按以聞卹典視主佐賊之剽掠河南也固始被陷執其丞曹基使馭馬基不從宛之思縣之陷致仕主簿邢祥抗罵不屈死事聞贈基通判祥知縣俱從祀鄉賢祠

霍恩字天錫易州人弘治十五年進士歷知山陽安邑兩縣正德時改上蔡流賊初起即為捍禦計六年十一月賊果至恩拒甚力賊據故壘憑高下射衆不能支城陷恩被執賊脅之跪罵曰反賊吾此膝肯為汝屈乎賊日殺人于前以恐之恩罵益厲賊以刀抉其口支解之妻劉氏副使俊女也賊至時恩語妻曰

脫有急汝將若何妻曰願同死乃築臺廨後約司見
我下城即賊入矣可自為計恩提刀下城劉氏臺上
見之即自縊未絕復以簪刺心而死事聞贈光祿少
卿賜祭予廕立祠上蔡劉氏贈宜人易州建忠節坊
旌之與恩同死難者有典史梁建城破自經死詔錄
其子指揮僉事李樂與恩同守亦以死事贈指揮使
樂實逃匿不死久之事覺捕治之并罪妄報者同時
孔環南宮人正德初由歲貢生授來安知縣為劉瑾
黨所陷左遷西華教諭六年流賊陷其城執環脅之
曰若呼我大王即釋汝環厲聲曰賊奴我為國家臣

恨不得碎汝萬段青嶂賊為主以求活耶遂被害總督彭澤以聞詔予一子冠帶而華人立祠祀之

郁采字亮之浙江山陰人正德三年進士授刑部主事謫大名教諭稍遷裕州同知流賊起采預繕城以備及賊薄城知州李德仁欲遁采曰毋為民望身先登陴與都指揮詹濟竭力堅守斬獲頗多既而賊衆益增四面攻圍采等且戰且守力窮而援兵不至德仁與指揮辛澤任綸竟率衆逃城遂陷采被執罵賊不報賊碎其輔頰而死濟亦遇害士民死者三千人七年二月事聞贈光祿少卿賜祭予詹濟亦被恤采

之拒賊也。約里居御史任賢同守賢諾之。招其鄉里
三千人登陴拒敵。城陷賢罵賊不屈死。一家死者十
三人。贈太僕少卿。予祭葬錄其一子。有王陽者為永
城知縣。流賊來寇。陽率衆拒之。力不敵。城陷。陽繫印
於肘。瞑目端坐。以待賊執之。不屈死。贈卹如例。又有
熊驤者為萊蕪知縣。流寇入境。率衆出戰。為賊所執。
與王簿韓塘俱不屈死。

安宣正德時為河南夏邑縣丞。賊楊虎等將逼其境。
宣猶未抵任。或勸其無往。宣曉以大義。兼程而進。旅
官纔七日。賊擁大衆至。宣登陴拒守。多所摧敗。既而

力不支城陷死之贈開封通判錄其一子虎之孫
河南也流劫至靈壁知縣陳伯安主簿蔣賢樂之兵
敗伯安被執賢死之賊別賊攻陷睢寧知縣蘇霄不
能禦主簿金聲丘紳義士朱用之奮勇迎戰死于賊
事聞贈賢靈壁知縣聲紳睢寧知縣並錄其子用之
亦被卹

鄭寶正德時為營林州同知署北流縣事妖賊李通
寶為亂通其城寶與其子宗珪率兵出禦殺賊二十
餘人賊稍退未勝逐之賊返聞父子皆死十三年九
月事聞贈營林知州錄其一子同時有王振者正德

九年任福建黃崎鎮巡檢時海寇常入劫掠振鏜
防利器械守備甚設後羣寇大集振率三子臣朝寶
接戰斬首逐北自辰至未寇勢少衰俄伏兵起振被
殺屍僵立不仆三子冒刃救之臣被重傷朝寶皆死
御史上其狀于卹典官臣為序班又有蔡顓者正德
六年為萊州衛指揮僉事盜入其境顓率衆禦之兵
潰與其三子淇英順及舍人劉勛劉仲武等俱力戰
死顓贈都指揮僉事賜祭洪等諸子並授官